



DOMOWINA

Jadnański pórěd Zwězkowego pśedsedařstwa Domowiny za wólbnu dobu 2021-2025

§ 1

Powšykne zasady žělabnosći

1. Zwězkowe pśedsedařstwo Domowiny nawjeduju žěło kšywowego zwězka mjazy głownymi zgromažinami.
2. Zestawa, nadawki a kompetence zwězkowego pśedsedařstwa rěduju artikel 9, wótrězki 1 - 8 wustawkow Domowiny.
3. Zwězkowe pśedsedařstwo społnijo swóje nadawki z
 - pórědnymi a wurědnymi pósejženjami,
 - žělom prezidiuma pó §10 toś tego pórěda,
 - analytiskim a koncepcionelnym pśedžětom žělowych wuběrkow a kupkow,
 - koordinaciju a integraciju celonarnodnego žěła we wótgłosowanju z pśedsedařstwami člonkojskich župow a towaristwow a z drugimi zwězkarjami,
 - statkowanim kuždego jadnotliwego člonka zwězkowego pśedsedařstwa w swójom towaristwje a w zjawnosći,
 - aktiwnym zjawnostnym žělom wó zaměrach kšywowego zwězka a wó položanju a zajmach serbskego luda.
4. Zwězkowe pśedsedařstwo zmakajo se pó artiklu 9, dypk 7 wustawkow Domowiny nanejmjenjej styri raze wob lěto. Mimo toho zwoła se kužde lěto klawturne pósejženje. K tomu se lětny plan žělabnosći nastajijo, kótaryž mimo terminow teke měštnosć a wopšimješowe šěžyšća pósejženjow póstajijo.

§ 2

Nadawki zwězkowego pśedsedařstwa

1. Zwězkowe pśedsedařstwo ma pó artiklu 9 dypki 4 do 6 wustawkow Domowiny slědujuce nadawki:
 - a. rozsuziś wó pšaňanjach běžnego žěła Domowiny mjazy głownyma zgromažinomama,
 - b. póstajis šěžyšća žělabnosći a rědowaś zawězujuce zagronitosći za zwopšawdnjenje nadawkow,
 - c. pšawidlownje pšiwześ rozpšawy pśedsedařa a prezidiuma Domowiny,
 - d. póstajis zagronitosći a nadawki prezidiuma,

- e. ředowaš wobsejženstwo a finance Domowiny, pšiwzeš a schwališ financne a góspodařske plany a rozpšawy, wutwóriš žělowe wuběrki,
 - f. wutwóriš žělowe wuběrki,
 - g. pšiwzeš rozpšawy głownje jadnaŕki wó žěle zastojnstwa Domowiny a póstajiš šěžyšća žěla zastojnstwa,
 - h. póstajiš šěžyšća žělabnosći Domowinje pšisłušajucych institucijow a wótrědow,
 - i. pšiwzeš rozpšawy wjednikow Domowinje pšisłušajucych institucijow a wótrědow,
 - j. nachylnje pšiwzeš nowe towaristwa do Domowiny,
 - k. nachylnje rozsužiš wó nosařstwach dalšnych institucijow abo wótzělenjow pód kšywom Domowiny,
 - l. pówołaš a wótwołaš resp. nominěrowaš zastupjarjow Serbow do/z gremijow a pšawidlownje pšiwzeš rozpšawy wó jich žělabnosći,
 - m. wobzamknuš žělowe pórědy Domowinskego zastojnstwa a Domowinje pšisłušajucych institucijow a wótrědow,
 - n. pówołaš a wótwołaš wjednikow Domowinje pšisłušajucych institucijow a wótrědow,
 - o. pówołaš a wótwołaš głownu jadnaŕku a jadnarja Domowiny,
 - p. wobzamknuš wuznamjenjeńske pórědy Domowiny, kótarež njejsu wobstatk toš tych wustawkow, a wóliš člonkow mytowańskego wuběrka,
 - q. naražiš głownej zgromažinje pó pórucenju wujadnańskego wuběrka wótwołanje člonka zwězkowego pšedsedařstwa z wólbneje funkcije,
 - r. rozsužiš na zakłaže dopórucenja wujadnańskego wuběrka wó pšikazanem nachylnem wótpócywanju funkcije člonka,
 - s. rozsužiš wó pšiwzešu nachylneho zložjenja wólbneje funkcije na zakłaže pódaša swójskeje wóle.
2. Dalšne nadawki zwězkowego pšedsedařstwa su:
- a. pšigłosyš naraženju wó změnje městnego plana struktury zastojnstwa abo wótrědow Domowiny,
 - b. pšigłosowaš naraženju wó pšistajenju abo pušćenju sobužělašerja wušej zaslužboweje kupki 11 tarifa L,
 - c. pšigłosowaš jednotliwym investicijam wušej 10.000 €,
 - d. pšigłosowaš nakupi abo pšedankuju imobilijow.

§ 3

Pósejženja zwězkowego pšedsedařstwa

1. Wobradowanja zwězkowego pšedsedařstwa su pó artiklu 9, dypk 8 wustawkow Domowiny zjawne. Wobradowanja zwězkowego pšedsedařstwa dejali pó župnych teritorijach drogowaš. Medijowy powědař Domowiny informěrujo medije tyžeń do pósejženja wó wopšimješach zjawneho žěla pósejženja.
- Zjawny žěl pósejženjow wuscěla se ako livestream do seši, jolic techniske móžnosći na městnosćach wobradowanja to dowólju.
- Livestreamy pósejženjow maju nanejmenjej lěto pšistupne byš.
- Zastojnstwo Domowiny ma trjebne techniske wobstojnosći ředowaš.

2. Wobradowanje žěli se pó pótrjebje do zjawneho a njezjawneho žěla.

Zjawny a njezjawny žěl pósejženja matej se w naraženju za dnjowny pórěd wupokazaś.

3. Personalne pšašanja deje se w kuźdem paže w njezjawnem žělu wobradowanja a w njejpšibytносći pótrjefjonego wobjadnaś.
4. „Napšašowanja cłonkow Domowiny a gósci k serbskim nastupnosćam“, „rozpšawa pšedsedarja a cłonkow zwězkowego pšedsedařstwa wó žělabnosći kšywowego zwězka mjazy pósejženjom zwězkowego pšedsedařstwa“, „informacija k aktualnym aspektam žělabnosći zastojnstwa Domowiny a Rěcneho centruma WITAJ“ a „aktualna debata cłonkow zwězkowego pšedsedařstwa“ dejali byś wobstatk pósejženja zwězkowego pšedsedařstwa“, dejali stawny wobstatk pósejženja zwězkowego pšedsedařstwa byś.
5. Cłonki zwězkowego pšedsedařstwa maju pšawo, temy za „aktualnu debatu“ až do 3 žělabnych dnjow do pósejženja zwězkowego pšedsedařstwa zastojnstwoju Domowiny pisnje zapódaś. Wó dalšnych a pózdžejšych naraženjach smějo se wótwisnje wót casowych móžnosćow na městnje pósejženja rozsužiś.
6. Mimo toho smějo kuźdy cłonk zwězkowego pšedsedařstwa do wobzamknjenja dnjownego pórěda pšosbu wó wuzamknjenje zjawnosći pši wobjadnanju wěstego dypka dnjownego pórěda stajiś. Wó póžedanju se wótgłosujo pó § 7 wótrězkach 7 do 9.
7. Cłonki zwězkowego pšedsedařstwa su winowate, wó wšykných w njezjawnem žělu pósejženja wobjadnanych nastupnosćach mjelcaś.
8. Pórědne pósejženja zwězkowego pšedsedařstwa zwoła pšedsedař Domowiny na zaklaže wobzamknjonego lětnego plana žělabnosći.
9. Wurědne pósejženje zwoła se wót pšedsedarja pó pisnem póžedanju nanejmenjej stwjerši cłonkow zwězkowego pšedsedařstwa, tšoch towaristwow abo prezidiuma (glej wustawki Domowiny artikel 9, dypk 7). Wóno ma se w běgu dweju tyženjowu pšewjasć.
10. Pšepšosenje z naraženim za dnjowny pórěd a pšedłogami zjawnego žěla pósejženja ma kuźdy pórědny cłonk zwězkowego pšedsedařstwa nanejpózdzej 7 dnjow do wobradowanja dostaś. Žyicy-li se to adresat, mógu se jomu póđložki teke digitalnje pšipóstaś.
Wó nastupnosćach, kótarež njejsu w pšipóslanem naraženju za dnjowny pórěd zapisane, smějo se jano pótom wobradowaś a rozsužiś, gaž njedajo se nastupnosć pšestarčys a zwězkowe pšedsedařstwo wobjadnanjeju pšigłosujo.
11. Pšepšosenje z naraženim za dnjowny pórěd a pšedłogi pósejženja dostanu teke głowna jadnařka a jadnař, wjednica Rěcneho centruma WITAJ, jeje zastupnik a referenty zastojnstwa Domowiny.

To samske plaši za pšedsedarja rewizijnego wuběrka a pšedsedarja wujadnařkego wuběrka, jolic sebje to žycejtej.

12. Pódložki zjawnego žěla pósejženja dostawaju teke župany a pśedsedarje člonojskich towaristwow, kenž njejsu z člonom zwězkowego pśedsedařstwa, jolic sebje to žyce.
13. Pódložki njezjawnego žěla pósejženja dostawaju wósoby pó § 5 dypk 10.
14. Pósejženja zwězkowego pśedsedařstwa pśewjedu se pó móžnosći realnje na póstajonem městnje.
15. Pósejženja pśewjedu se pó artiklu 6, wótrězk 6 wustawkow pak realnje, pó elektroniskej droze (na pśikład pśez telefon abo wideowu konferencu) abo w měšanej formje z pśibytnymi ako teke z wobžělnikami pśez wideowu konferencu, druge medije abo telefon.
16. Wobžělenje na wideowej konferency, pśez druge medije abo telefon jo pó artiklu 6, wótrězk 7 wustawkow Domowiny jano z legitimaciskimi a pśistupnymi datami móžne, kótarež plaše za wótpowědujuce pósejženje. Daty se we wósebnjej mejlce scasom do zgromažiny pósrědnjaju.

§ 4

Nawjedowanje pósejženjow

1. Pósejženja nawjeduju pśedsedař, w paže zajžowanja zastupujucej pśedsedarja. Za wobjadnanje jednotliwych dypkow dnjownego póřěda móžo prezidium drugih zagronitych zasajziš.
2. Pśedsedař a zastupujucej pśedsedarja twórje pósejžeński prezidium. Nawjedowař pósejženja konsultěrujo se we wažnych pšašanjach wjednistwa pósejženja a dožaržanja wustawkow Domowiny ako teke jednařskego póřěda zwězkowego pśedsedařstwa z dalšnyma člonomi pósejžeńskego prezidiuma. Wónej matej wjednika pósejženja ze swójskego wida na pśedpisane póstupowanje pśiwobrošiš, jolic trjebne. Howac jogo pśi nawjedowanju pósejženja pódpěrujotej.
3. Nawjedowař pósejženja ma slědujuce nadawki:
 - pósejženje zachopiš a pśibytnych wuwitaš,
 - pśipowěžeš, až se wótběg zjawnego žěla pósejženja nagrawa a až njejsu žedne dalšne nagraša dowólone,
 - pśipowěžeš, až se zjawny žěl pósejženja digitalnje ako livestream do seši wuscěla,
 - pśibytnosć a zagronjenja zwěściš,
 - wopšawnosć wobzamknjenja zwěściš,
 - pśedsudkownosć zwěściš,
 - wó dnjownem póřěže wótgłosowaš daš,
 - diskusiju k jednotliwym dypkam nawjedowaš a z wopšimješowym rezimejom zakóńcyš,
 - konkretny tekst wobzamknjenja do wótgłosowanja pśedcytaš resp. póslowne naraženje za wobzamknjenje formulěrowaš abo pśeformulěrowaš,

- wó pśedłogach a drugich naraženjach k wobzamknjenju wótgłosowaś daś,
- rezultat wótgłosowanja zwěsćiś (tśi kategorije: za namjet/za naraženje, přećiwo namjetej/pśešiwo naraženju a so hłosa wzdam/se głosa zdžaržyjom),
- pśiwzeše abo wótpokazanje naraženja zwěsćiś,
- wó wokolnem abo listowem wótgłosowanju nastupności rozsuziś daś,
- wó wěcejraznych cytanjach wěstych pśedłogow rozsuziś daś,
- wó wótsajženju dypkow dnjownego pórěda resp. wó slědk dašu pśedłogow k dalšnemu wobžělanju w prezidiumje abo žělowych wuběrkach rozsuziś daś,
- pórědny wótběg pósejženja na zakłaže jednańskego pórěda zawěsćiś a domowe pšawo wugbaś,
- wó wopśimjeśach k wózwajwenju w medijach rozsuziś daś a
- pósejženje zakóńcyś.

§ 5

Wobžělenje na pósejženjach

1. Čłonki zwězkowego pśedsedařstwa su winowate, se na pósejženjach wobžěliś. W paže zajžowanja chórosći abo drugich wažnych pśicyń dla su winowate, pśedsedařa abo sekretariat zastojnstwa Domowiny wó tom informěrowaś.
2. Lisćina za wupłašenje pósejžeńskich pjenjez płaši rownocasnje ako lisćina pśibytnosći. Kuždy čłonek zwězkowego pśedsedařstwa zapišo se ze swójim pódpismom do lisćiny pśibytnosći a wupołnijo lisćinu za zarownanje jězdnych wudawkow, jolic wón społnijo k tomu trjebne wuměńjenja pó płašecem ředowanju.
3. Čłonki zwězkowego pśedsedařstwa směju se digitalnje na pósejženju wobžěliś.
4. Digitalne wobžělenje zapišo pśedsedař do lisćiny pśibytnosći.
5. Čłonek zwězkowego pśedsedařstwa, kótaryž co pósejženje docasnje wopuśćiś, musy to wjednikoju pósejženja k wěsći daś.
6. Pó artiklu 9, dypk 3 wustawkow Domowiny matej se jednař a zastupujucy jednař na pósejženjach zwězkowego pśedsedařstwa z póražujucym głosom wobžěliś. To same pśitrjefijo za wjednicu RCW a jeje zastupnika, tematizěruju-li se kublańsko-politiske pšašanja. Medijowy powědař, referentka za nastupności kšywowego zwězka a referentka za gremijowe a ministerialne nastupności se tejerownosći na pósejženjach wobžěliju.
7. Pśedsedař rewizijnego wuběrka kaž teke pśedsedař wujadnańskego wuběrka matej pó artiklu 9, dypk 3 wustawkow Domowiny pšawo, se na wobradowanjach zwězkowego pśedsedařstwa z póražujucym głosom wobžěliś.
8. Zastupnik Domowiny we FUEN-prezidiju ma pšawo, se z póražujucym głosom na pósejženjach zwězkowego pśedsedařstwa wobžěliś.
9. K zjawnym pósejženjam ma kuždy zajmc pśistup. Zajmce pak njamaju pšawo, do jadnanjow zapśimnuś abo wótběg pósejženja móliś.

10. Na njezjawnem žělu wobžěluju se člonki zwězkowego předsedařstwa, głowna jadnařka a jadnař, referentka za nastupnosći kšywowego zwězka, referentka za gremijowe a ministrařske nastupnosći ako teke protokolantka/protokolant ze zastojnstwa. Řědowanja § 7, dypk 13 nastupajucy předsudkownosći maju se dožaržaš. Jolic mařizna předwižonego dypka to pomina, směju se dalšne wósoby na njezjawnny žěl pšepšosys. Na njezjawnem žělu smějotej se teke předsedař rewizijnego wuběrka a předsedař wujadnařskego wuběrka wobžěliš, gaž wó to pšosytej.

§ 6

Wobžělenje na diskusiji

1. Člonki zwězkowego předsedařstwa a prezidiuma, głowna jadnařka, jadnař a wobžělniki pó § 5 dypki 6 do 9 togo pórěda, ako teke pšepšosone gósci maju pšawo, se wugroniš, gaž jim wjednik pósejženja słowo pšepódajo. Kuždy diskutant smějo se jano dwójcy k samsnej nastupnosći wugroniš. Słowo se pó řeže pšizjawjenjow pšepódawa. Wó powědařskem pšawje njepšosonych gósci rozsužiju pósejžeński prezidium.
2. Člonk zwězkowego předsedařstwa, kótaryž co k jadnařskemu pórědoju powědaš, pšizjawijo to ze zwignjenim wobeju rukowu. Wón dostanjo pótom ned słowo.
3. Gdyž wugronijotej se pominanje abo naraženje za wótgłosowanje, smějotej zasadnje jaden člonk zwězkowego předsedařstwa za to a jaden pšešiwu tomu powědaš. Pótom se wótgłosuju.
4. Cas powědanja móžo se wót pósejžeňskego prezidiuma pó pótrjebnosći wobgranicowaš.
Gaž se wěcej wó temje njepowěda, ma wjednik pósejženja pšawo, powědajucemu słowo wezeš.
5. Jadnařski pórěd dowólijo člonkam zwězkowego předsedařstwa w běgu pósejženja slědujuce naraženja:
 - slědk daše nastupnosći do prezidiuma, do žěloweje kupki resp. do žělowego wuběrka abo na Domowinske zastojnstwo, až by se předłoga k tomu pšigótowała resp. předlažeca předłoga se pšežěłała,
 - wótsajženje nastupnosći z dnjownego pórěda resp. pšestarcenje wobjadnanja,
 - wokolne wótgłosowanje pó pósejženju, gaž předlažy pšežěłane naraženje za wobzamknjenje,
 - zakóncenje diskusije k nastupnosći,
 - wótgłosowanje wó předłozu resp. wó naraženju k wobzamknjenju,
 - pšetergnjenje abo zakóncenje pósejženja,
 - wuzamknjenje zjawnosći,
 - pominanje za pótajnym wótgłosowanim abo za wótgłosowanim pó mjenju,
 - napšašowanje wěcywuznatych wósobow a
 - pšepódaše poňmócy k dokóncnemu rozsudoju prezidiumoju, předsedařejju abo Domowinskemu zastojnstwoju.

6. Člonek zwězkowego předsedařstwa, kotaryž jo se k diskusiji přizjawił a njejo zakóńcenja diskusije dla wěcej słowo dostał, smějo swój přinosk pisnje předsedařeju přepódaš. Přinosk připołožyo se protokoloju.
7. Do wótgłosowanja wó předłogach a naraženjach za wobzamknjenje smějo kuždy člonek zwězkowego předsedařstwa wósobinske wujasnjenje wótedaš. K tomu přepódajo jomu wjednik pósejženja pó wótpowědnem přizjawnjenju słowo. Take wósobinske wujasnjenje smějo jano rownostajenje wopacnych wugronjenjow abo wótwoboranjow wósobinskego nadpada wopšimješ.

§ 7

Wótgłosowanja a wobzamknjenja

1. Pó artiklu 6, dypk 3 wustawkow Domowiny jo zwězkowe předsedařstwo wopšawnjone k wobzamknjenju, gaž jo wěcej ako połojca jogo člonkow přibytna.
2. Naraženje jo přiwzete, gaž jo wětšyna přibytnych za wótgłosowanje wopšawnjonych za naraženje głosowała, dalokož njejo to w toš tom pórěže abo we wustawkach hynac póstajone. Přisamskej libje głosow za abo přešiwu naraženjeju jo naraženje wótpokazane.
3. Za wótgłosowanje dostanjo kuždy člonek głosowańske kórtki (zelenu kartku z napismom "za namjet/za naraženje", čerwjenu kartku z napismom "přečiwo namjetej/přešiwu naraženju" a bělu kartku z napismom "so hłosa wzdám/se głosa zdžaržyjom").
4. Wótedane glose digitalnje přizamknjonych člonkow zwěščijo wjednik pósejženja z pomocu wobrazowki. Za cas wótgłosowanja a wulicenja musy wósoba, kotaraž wótgłosujo, na wobrazowce wižeš byš. Jolic njejo wósoba wižeš abo njedajo se wótedany głos přirědowaš, se toš ten njelicy.
5. Naraženje k wobzamknjenju musy pisnje abo wustnje jasnje sformulěrowany byš, nježlic se wó njom wótgłosujo.
Wó kuždem naraženju se jadnotliwje wótgłosujo.
Gdyž předlažyjo wěcej naraženjow k wobzamknjenju, kotarež samsku nastupnosć wobjadnaju, wótgłosujo se nejprweje naraženje, kotarež pó wopšimješu nejwěcej zaměroju wobzamknjenja wótpowědujo.
6. Signalizěrujo-li jadno člonkojske towaristwo z pisnym wobtwarženim w předpólu pósejženja k naraženju za wobzamknjenje mócnje wobmyslenja, ma se předsedařstwo toš togo towaristwa do wótgłosowanja słyšaš. Słyšanje předsedařstwa toš togo towaristwa se přewježo w zwězkowem předsedařstwje.
7. Wótgłosujo se zasadnje zjawnje ze zwignjenim głosowańskeje kórtki.
8. Gdyž se to jaden člonek zwězkowego předsedařstwa pomina, pótom se pó mjenju abo pótajmnje wótgłosujo. Předlažytej wobej naraženi, pón se pótajmnje wótgłosujo. Přis wótgłosowanju pó mjenju předcytajo wjednik pósejženja mě

wótpowědneho člonka zwězkowego pśedsedařstwa, kótaryž musy pótom groniś, lěc wón "za naraženje" abo "pšešiwu naraženjeju" głosujo resp. lěc se glosa zdžaržyjo. To se we wótpowědnej lisćinje dokumentěrujo a protokoloju pśidajo. Člonki zwězkowego pśedsedařstwa, kótarež njejsu wobzamknjenju pśigłosowali, směju se pominaś, až se to w protokolu naspomnjejo.

9. Pó artiklu 6, dypk 4 wustawkow Domowiny móžo zwězkowe pśedsedařstwo teke pó pisnej droze rozsudy twóriś. Wó tom ma zwězkowe pśedsedařstwo abo prezidium rozsuziś. Naraženje jo pśiwzete, gaž jo se nanejmenjej počojca člonkow organa na wótgłosowanju wobžěliła a wětšyna do głosowanja wopšawnjonych z pšawom na głosowanje za naraženje głosowała, snažkuli wustawki něco drugogo póstajaju.
10. Gaž se wuměnjena za płašce wobzamknjenja zasadnje změniju, móžo se wótpowědne pšašanje wótnowotki w zwězkowem pśedsedařstwje wobjadnaś. Pśi tom ma se wó tom rozsuziś, lěc se do toho wótgłosowane wobzamknjenje slědk wzejo.
11. Wólby a personalne rozsudy pšewjedu se w pótajmne wótgłosowanju. Smějo se zjawnje wóliś, gdyž njejo žeden člonk zwězkowego pśedsedařstwa pšešiwu tomu. Wólona jo zasadnje ta wósoba, kótaraž dostanjo wěcej ako počojcu glosow wšykných člonkow zwězkowego pśedsedařstwa. Pśi wšakorakich mjenjach na jadnom wólbne lisćiku, su toś te wósoby wuzwólone, kótarež su pó rěže nejwěcej glosow dostali. Pśi rowności glosow ma se pšewjasć dowuzwólwanje. Wólony jo pótom ten samy, kótaryž dojspijo w dowuzwólwanju wětšynu glosow.
12. Pótajmne, listowe wólby su móžne. Wó tom ma zwězkowe pśedsedařstwo abo prezidium rozsuziś.
13. Člonki zwězkowego pśedsedařstwa njesměju se pśi wobjadnanju a wobzamknjenju nastupnosćow wobžěliś, gaž móžo jim wobzamknjenje wósobinski, jich swójbny resp. pśi swójbny přednego stopjenja abo institucijam, kótarež wóni juristiski zastupuju, njepósrědne lěpšyny abo njelěpšyny pśinjasć. Pótrjefjony člonk zwězkowego pśedsedařstwa musy sam swóju pśedsudkownosć do wobjadnanja wótpowědne nastupnosći pśizjawiś. Wón smějo se w paže zjawneho žěla pósejženja sednuś ku góscam, w paže njezjawneho žěla pak musy pósejžeńsku rumnosć wopuściś. Gdyž wobstoje cwiblowanja na pśedsudkownosći resp. njepśedsudkownosći, pótom rozsuzijo se w njepśibytnosći pótrjefjonego. To samske płaši za wšykných dalšnych pśibytných abo digitalnje pśibytných.

§ 8

Protokol zjawneho žěla pósejženja

1. Wó kuždem zjawne pósejženju wužěłajo se protokol wobzamknjenjow. Ako pomocny srědk za protokolěrowanje zjawneho žěla pósejženja wužywa se nagrawański řed.

2. Protokol zjawnego žěla dej wopšimješ:
 - termin, městno, zachopjeńk a kóńc wobradowanja,
 - mě wjednika / wjednikow zejženja,
 - psibytnosc cłonkow a gósci,
 - dnjowny pórěd,
 - cysła a title wobjadnanych pśedłogow,
 - wobzamknjenja z formulaciju naraženja, z wuslědkom wótgłosowanja a z běžnym cysłom toś teje wólbneje doby,
 - nadawki, kótarež su se drugim gremiumam pšepódali,
 - wósobinske stojnišćo, gaž se to cłonk zwězkowego pśedsedařstwa pomina a
 - teksty rozpsawow ku głownym nastupnosćam ako dodank k protokoloju.
3. Cłonki zwězkowego pśedsedařstwa a jogo stawne gósci dostanu w běgu jadnogo tyženja pó pósejženju na digitalnem pušu nacerjenje protokola a směju k protokoloju pokazki abo korektury zapódaš. Doskóńcne nacerjenje pšepódajo se z pódložkami za pśiduce pósejženje.
4. Župany a pśedsedarje cłonkojskich towaristwow, kenž njejsu cłonk zwězkowego pśedsedařstwa, dostanu protokol k informaciji, jolic sebje to žyce. To samske płaši za pśedsedarja rewizijnego wuběrka a pśedsedarja wujadnańskego wuběrka.
5. Protokol a społjenje wobzamknjenjow se kontrolěrujotej na pśiducem zjawnem wobradowanju zwězkowego pśedsedařstwa.

§ 9

Protokol njezjawnego žěla

1. Wó kuždem njezjawnem pósejženju nažěłajo se wuslědkowy protokol. Ako pomocny srědk za protokolěrowanje njezjawnego žěla pósejženja smějo se nagraše wužywaš, kótarež ma se pó wobtwarženju protokola znicys.
2. Wobzamknjenja njezjawnego žěla maju se ze separatnym běžnym cysłowanim protokolěrowaš ("n" pśed cysłom).
3. Wobstoj móžnosć, jednotliwe wugronjenje pó słowje do protokola pšewzeš.
4. Cłonkam wurownańskego wuběrka ma se na pominanje protokol pód doglědom w zastojnstwje spšistupniš.
5. Protokol njezjawnego žěla kontrolěrujo se na pśiducem pósejženju zwězkowego pśedsedařstwa.

§ 10

Pśedłogi

1. Pśedłogi do zwězkowego pśedsedařstwa směju zapódaš:
 - prezidium,
 - pśedsedař a zastupujocy pśedsedař Domowiny,

- členki zwězkowego pšedsedařstwa,
 - žělowe wuběrki resp. žělowe kupki,
 - rewizijny a wurownařski wuběrčk Domowiny,
 - pšedsedařstwa členkojskich župow a towaristwow, ako teke
 - zastojnstwo Domowiny a
 - Rěčny centrum WITAJ.
2. Pšedłogi se wužěłaju, gaž se zwěścijo trjebnosć wobjadnanja wótpowědneho pšašanja wót boka wólonych gremijow kšywowego zwězka, pšedsedařstwow členkojskich župow a towaristwow abo teke zastojnstwa Domowiny, gdyž zwězkowe pšedsedařstwo wótpowědny nadawk wobzamknjo abo pósejžeńskej plana zwězkowego pšedsedařstwa to pšedwiži.
 3. Pšedłogi dejali se zasadnje prezidiumoju k pšedwobjadnanju pšepódaš, aby mógal zwězkowemu pšedsedařstwowu dopórućenje k dokóńcnemu wobjadnanju pšedłogow pšepódaš. Referentka za nutšikowne nastupnosći Domowiny rědujo, numerěrujo spšistupnijo resp. wózwawijo pšedłogi we wótgłosowanju z prezidiumom.
 4. Za pšigótowanje pšedłogow ma se wósebny formular wužywaš (glej dodank). Kužda pšedłoga dostanjo swójo cysto (běžne cysto + licba lěta). Pšedłogi, kenž se rozsužuju w prezidiumje na zaklaže § 6, dypka 5, smužki 10 abo § 12, dypkow 2, 4 abo 5 togo jednařskega pórěda, maju pšed běžnym cystom pšidank "P". Pšedłogi, kótarež se w zwězkowem pšedsedařstwe dokóńcnje wobjadnaju a schwaliju, maju pšidank "ZP". Wobej družynje pšedłogow se separatnje licytej a skludujotej. Wobtwarženje za naraženje k wobzamknjenju pódajo se we wótpowědujem pšidanku.
 5. W pšedłogach, kenž služe jano informaciji, zapišo se do rubriki "Naraženje za wobzamknjenje" pasus, až se informacija k wěšći wzejo.
 6. Financne wustatkowanja wobzamknjenjow maju se pomjenjowaš a zastojnstwo Domowiny dejało financěrujobnosć do jadnanja w prezidiumje pšespytowaš a z pópismom głowneje jadnařki, jadnarja abo referenta za góspodařske a infrastrukturelne nastupnosći wobtwaržiš.
 7. Gaž se w běgu jadnanjow zwězkowego pšedsedařstwa wóthylajuće naraženje k wobzamknjenju formulěruju, pón pišo se nowa formulacija do pšeglěda pšedłogow.

§ 11

Wutwórnjenje žělowych wuběrkwow

1. Zwězkowe pšedsedařstwo abo prezidium wutwórijotej pó pótrjebje k analytiskemu a koncepcionelnemu wobžěłanju nastupnosćow žělowe wuběrki. Kuždy wuběrčk dejał z nanejmnjej 5 členkow wobstojaš, wětšyna z nich dejała byš členk

zwězkowego pšedsedařstwa.

Póštajijo se zestajenje a wjednik žělowego wuběrka, jogo zastupnik, pó wopšimješu pšislušajucy zagronity zastojnstwa, wopšimješowe zaměry žělabnosći a doba statkowanja.

2. Wuběrki maju pšawo, stajis na prezidium pšosbu wó juristiske póražowanje.
3. Za wótběg pósejženjow žělowych wuběrkow plaše w zasaže póštajenja jadnařskego póřěda zwězkowego pšedsedařstwa wótpowědnje. Wobradowanja wuběrkow su zasadnje njezjawne. Wuwzeša su móžne. Čłonkam zwězkowego pšedsedařstwa a prezidiuma jo pšistup kuždy cas móžny.
4. Protokole wobradowanjow žělowych wuběrkow dostanu mimo čłonkow wuběrka teke čłonki prezidiuma. Čłonki zwězkowego pšedsedařstwa směju se protokole pominaš.
5. Ako čłonki žělowych wuběrkow mógu se mimo čłonkow zwězkowego pšedsedařstwa a prezidiuma dalšne zastupniki župow a towaristwow ako teke fachniki pówołaš. Wóni pódláže samskemu ředowanju dowěrnosći ako čłonki zwězkowego pšedsedařstwa.
6. Wuběrki rozpšawiju zwězkowemu pšedsedařstwoju abo prezidiumoju pšawidlownje wó rezultatach a žělabnosći swójogo statkowanja a pšedpóžyju wótpowědne naraženja ako pšedłogi k wobjadnanju a schwalenju.
7. Pšedsedarje wuběrkow směju na zakłaže napšasowanjow medijow abo pó swójskem rozsuže čłonkow wuběrkow zjawnosć k tematiskim šěžyšćam njezjawnych pósejženjow wuběrkow informěrowaš. Pši tom dej se na to glědaš, až dej se jednaš wó powšykne informacije žělabnosći wuběrkow, nic pak wó nacerjenja, kenž muse zwězkowe pšedsedařstwo dodiskutěrowaš a wobzamknuš.

§ 12

Prezidium

1. Pó artiklu 10 wustawkow Domowiny slušaju do prezidiuma pšedsedař Domowiny, jogo zastupnika a dalšnej čłonka zwězkowego pšedsedařstwa, kótarejuž na naraženje pšedsedarja zwězkowe pšedsedařstwo pówołajo.
2. Pó artiklu 10 dypka 3 a 4 wustawkow Domowiny póštajijo zwězkowe pšedsedařstwo slědujuce zagronitosći prezidiuma:
 - a. pšigótowaš pó wopšimješu pósejženja zwězkowego pšedsedařstwa,
 - b. póražowaš zwězkowe pšedsedařstwo we wopšimješowych a wažnych organizatoriskich pšasanjach a k tomu pšedpóžyš trjebne pšedłogi,
 - c. póražowaš pšedsedarja Domowiny w jogo běžnem žěle,
 - d. wutwóriš w nadawku zwězkowego pšedsedařstwa nachylne žělowe kupki resp. wuběrki a jich žělo koordiněrowaš,

- e. póražowaš pšedsedarja a jednařtwa pši koordinaciji běžneje žěłabności zastojnstwa Domowiny a Řěcneho centruma WITAJ a pšiwzeš k tomu trjebne informacije,
 - f. pšigótowaš głowne zgromažiny Domowiny a nawjedowaš wužěłanje rozpšawy wó zwopšawdnjenju nadawkow žěłowych směrnicow zwězkowego pšedsedařtwa a
 - g. rozsuziš wó slědujucych pšašanjach:
 - chwatnje trjebne stojniřća Domowiny k nacerjenjam pšawniskich pšedpisow a k aktualnym pšašanjam,
 - stojniřća Domowiny k pšedewzešam regionalnego planowanja,
 - delegěrowanje kulturnych kupkow w nadawku Domowiny, projekty kulturneje wuměny a službne jězby cesnoamtskich zastupnikow Domowiny do wukraja,
 - koncepty za wrošenicy a jubileje,
 - napšawy w zwisku z wobgospodarjenim imobilijow Domowiny,
 - nadawki k pšawniskemu póražowanjeju Domowiny,
 - kónčna redakcija stojniřćow, rezolucijow, , brošurkow, memorandumow a pódobnych wózwajwenjow Domowiny, kótarež se w zjawności rozšyriju,
 - wobžěłenje Domowiny pši projektach drugich nosarjow,
 - koncepty za wopomnjeńske dny,
 - z běžneje žěłabności kšywowego zwězka wótwołone nadawki za žěłowe wuběrki zwězkowego pšedsedařtwa.
3. Zwězkowe pšedsedařtwa informěrujo se na kuždym pósejženju wó žěłabności prezidiuma a dostanjo pisny pšeglěd rozsudow pósejženjow prezidiuma z pódložkami za swóje pšiduce pósejženje.
 4. Pósejženja prezidiuma su zasadnje njezjawne. Čłonki zwězkowego pšedsedařtwa směju se na pósejženjach wobžěliš. Čłonki zwězkowego pšedsedařtwa maju pšawo, prezidiumoju naraženja za wobjadnanje nastupnosťow zapódaš.
 5. Žěłabnosť prezidiuma řědujo wósebny jednařski pórěd, kenž wobzamknjo zwězkowe pšedsedařtwa.

§ 13

Winowatosći čłonkow zwězkowego pšedsedařtwa

1. Mimo aktiwneho wobžěłenja na pósejženjach zwězkowego pšedsedařtwa ma čłonek zwězkowego pšedsedařtwa wósebne winowatosći napšešiwu župje resp. towaristwoju, kótaraž/kótarež jo jogo za wólby do zwězkowego pšedsedařtwa nominěrowała/o. Wón/wóna ma pšedsedařtwa župy resp. towaristwa pšawidłownje wó swójom statkowanju informěrowaš, pšedłogi w pšedpólu pósejženjow z nimi diskutěrowaš, wobzamknjenja zwězkowego pšedsedařtwa rozkładowaš a jich pšesajženje pódpěrowaš.

2. Wobzamknjenja su za kuždego člónka zwězkowego pśedsedařstwa jadnak zwězujuce. Žeden člónk zwězkowego pśedsedařstwa njama pó wotumje wětšiny gremija pšawo, pśesajženje wobzamknjenjow blokěrowaš a napśešiwne aktiwity pšewjasć.
3. Gaž zwězkowe pśedsedařstwo póstajijo, až njesmějo se wó wěstych pšašanjach zjawnje informěrowaš, ma kuždy člónk gremija winowatosć k mjelcanju. Toš ta winowatosć wobstoj až do wulichowanja na zakłaže rozsuda zwězkowego pśedsedařstwa.
Winowatosć k mjelcanju pak płaši bžeze wobgranicowanja za personalne daty.
4. Kuždy člónk zwězkowego pśedsedařstwa jo k aktiwnemu zjawnostnemu žětoju napominany.

§ 14

Zjawnostne žěto

1. Zjawnosć a žurnalisty pšepšosuju se z casnikařskim wózjawjenim a z inseratom na zjawne wobradowanja zwězkowego pśedsedařstwa.
2. Dnjowny pórěd zjawneho žěta wózjawijo se nejpóźdež 3 žělowych dny do pósejženja w serbskej a nimskej rěcy w interneše.
3. Pódložki zjawneho žěta pósejženja wózjawiju se w zapódanej rěcy tejerownosći nejpóźdež 3 žělowych dny do pósejženja na internetowej stronje Domowiny. Z toho wuwzetej stej rozpšawa pśedsedarja a rozpšawa prezidiuma Domowiny. Wó dalšnych wuwzešach smějotej zwězkowe pśedsedařstwo a prezidium rozsuziš.
4. Wobzamknjenja zjawneho žěta pósejženjow zwězkowego pśedsedařstwa dejali se w běgu jadnogo tyženja na internetnych bokach Domowiny wózjawiš.
5. Pó pósejženju zgótujo medijowy powědař medijowe wózjawjenje wó glownych šěžyšćach a wuslědkach zejženja.
Pó wótgłosowanju z jadnym člónkom prezidiuma pósrědnja se wóne redakcijam, člónkam zwězkowego pśedsedařstwa a dalšnym zajmowanym adresatam.
Zrazom ma se wóno na internetowej stronje Domowiny wózjawiš.
6. Rozsudny internego resp. dowěrliwego charaktera, kótarež njesměju se wózjawiš, se na pósejženju konkretnje pomjenjuju.

Dalokož se w toš tom jadnařskem pórěže funkcije a pomjenjowanja pó muskecem a žeńskecem rože wopisuju, měni se z tym rownogódnje žeńskecy a muskecy rod.

Jadnařski pórěd zwězkowego pśedsedařstwa za wólbnu dobu 2021-2025 schwalijo se na pósejženju zwězkowego pśedsedařstwa dnja 25.11.2022 a z tym nabywa płašiwosć.

Příloha 1 – předloha**DOMOWINA****Předloha č. ZP .../...****za ... (rjadne) posedženje Zwjazkowneho předsydstwa Domowiny dnja ... w ...****Zapodačel/-ka předlohi:****Awtor/-ka předlohi:****Nastupa (předmjet wuradźowanja):**Slěd wobjednanja předmjeta předlohi:

gremij resp. organ Domowiny	datum	wuslědk wuradźowanja resp. doporučenje

Namjet za wobzamknjenje:**Zwjazkowe předsydstwo Domowiny wobzamknje:****Tekst wobzamknjenja.**

datum:

.....
podpismo zapodačelaFinancne wuskutki wobzamknjenja: zjimanje/wopisowanje financnych wuskutkowFinancujomnosť je so pruwowała: (datum a podpismo jednačelstwa, resp. referenta)Wuslědk wothłosowanja:

za namjet:

přećiwo namjetej:

hłosawzdače/a:



DOMOWINA

**Předłoga cysło ZP .../.....
za ... (pórědne) pósejženje Zwězkowego předsedarstwa Domowiny
dnja w**

Zapódař předłogi:

Awtor předłogi:

Nastupnosť (předmjat wobradowanja):

Slěd wobjadnanja předmjata předłogi:

gremij resp. organ Domowiny	datu m	wuslědk wobradowanja resp. dopóručenje

Naraženje za wobzamknjenje:

Zwězkowe předsedarstwo Domowiny wobzamknjo:

datum:

.....

pódpismo zapódarja

Financne wustatkowanja wobzamknjenja:

Financujobnosť jo se pšepytowała: (datum a pódpismo referenta resp. jadnarja)

Wuslědk wótgłosowanja:

za naraženje:

pšešiwu naraženju:

głosa zdžaržanje/-i/-a::

Příloha 2 – časowe doby gremijow



DOMOWINA

Rědowanja w jadnańskim pórědoma Zwězkowego předsedařstwa Domowiny a jogo prezidiuma nastupajuce casowe doby

Čas	Naprawa	Žórto
7 dnjow do pósejženja P	Pódložki maju se do posta daś.	
5 dnjow do pósejženja P	Pódložki maju člonkam P předsedlaša.	§ 5 (10) JP-P
9 dnjow do pósejženja ZP	Pódložki maju se do posta daś.	
7 dnjow do pósejženja ZP	Pódložki maju člonkam ZP předsedlaša.	§ 3 (10) JP-ZP
	Pódložki se člonkam ZP přez cloud k dispoziciji stajaju.	§ 3 (10) JP-ZP
tyžeń do pósejženja ZP	Informacije medijam wó zjawnem žělu pósejženja.	§ 3 (1) JP-ZP
až do 3 žělowych dnjow do pósejženja ZP	Móžnosć za člonki ZP, temy za "aktualnu debatu " zapódaś.	§ 3 (5) JP-ZP
až do 3 dnjow do pósejženja ZP	Dnjowny pórěd pósejženja ZP se serbski a nimski w interneše wózwajijo.	§ 14 (2) JP-ZP
	Pódložki zjawneho žěla pósejženja wózwajiju se na internetowem boce Domowiny. Z toho wuwzetej stej rozpšawa předsedara a rozpšawa prezidiuma Domowiny.	§ 14 (3) JP-ZP
až do 3 góžin do pósejženja	ZP ma se link k pósejženju pósrědnić..	§ 3 (16) JP-ZP
do pósejženja	Čłonki ZP maju zastojnstwo Domowiny abo předsedara wó zajžowanju informěrowaś.	§ 5 (1) JP-ZP
	Čłonki ZP maju digitalne wobžělenje přisizawić.	§ 5 (3) JP-ZP
Pósejženje zwězkowego předsedařstwa		
do schwalenja dnjownego pórěda	Čłonk ZP smějo přosbu wó wuzamknjenje zjawnosći přisizawjenju wobjadnanju wěstego dypka dnjownego pórěda stajić.	§ 3 (6) JP-ZP
pó pósejženju	Medijowy powědař wugótujo medijowe wózwajjenje wó glownych šěžyšćach a wuslědkach zejženja. (pósrědnjenje z mejlku a na internetowem boku)	§ 14 (5) JP-ZP
tyžeń pó pósejženju	Protokol se člonkam ZP a góscam zjawneho žěla digitalnje pósrědnijo.	§ 8 (3) JP-ZP
	Wobzamknjenje zjawneho žěla pósejženja maju se na internetowych bokach wózwajawić.	§ 14 (4) JP-ZP
lěto pó pósejženju	Nanejmenjej lěto musy livestream přisizawny byś.	§ 3 (1) JP-ZP